

JULIA MAVIMBELA

RITŌL AN JUKJUKIN PĀD EO ILO SOUTH AFRICA



Joñoul jilu iio ko remootļok ālkin an Julia kar peptaij, kien eo me ej kōjeņoļok Rikilmeej jān Ripelle ilo South Africa ekar jemļok.

70,000

Epaake tarin 70,000 membōr in Kabuñ in ilo South Africa rainin.



South Africa ewōr 11 kajin ko ie.

Jān Lucy Stevenson Ewell

Māōkjiin ko an Kabuñ in
(Pedped ioon juon bwebwenato emool)

Julia ej iri ātin. Innem ekar bōk jabōļ eo im kar jino an kūb. Kiiō, bwidej eo ej pād ie ekar bwidej ot. Ak ejjab to enaaj kar eromļ juon jikin kallip aibojoj.

Iien ko rekar pen nān Rikilmeej ro ilo South Africa. Kien ko ijeņ rekar kōmņman bwe Rikilmeej im Ripelle ren jeņoļok. Elōñ rikilmeej rekar kaņakūt er jān mōko mōer im joke ilo jet jikin ko rettoļok jān Ripelle ro, im rekar jab maroñ bout. Ekar lōñ jorreen ko ilo bukwon eo ijo Julia ekar jokwe ie, im jikuuļ ko rekar kilōk kōn ta in ekar waļok. Jet iien ekar kauwōtata nān pād nabōj.

Bōtaab eaar jab kabōjrak Julia. Ekar kōņnaan kōmņmani jet men nān bōktok aēņōmņman nān jukjukin pād eo an. Unin an kar jino kōmņane juon jikin kallip.

Jet ajri rekar lo an Julia jerbal. “Jemaroñ ke jipañ?” rekar kajjitōk.

“Aeet,” Julia ekar uwaak. Ekar kajjoļok aer jabōļ. Ekar kwaļok nān er wāween nān kapidodoik bwidej eo im tūm wūjooj ko.

“Jen kubwij bwidej in emeo, joļok juon ine in iakwe, im lale ta le ko emaroñ letok nān kōj,” ekar ba. “Iakwe ej itok wōt ilo ad jeorļok bōd an ro jet.”

Ekar mootļok wiik ko, im elōñļok menin eddōk ko rekar eddōkļok. Armej ro jet rekar itok im jerbal ilo jikin kallip eo. Rekar ittūm wūjooj aeitotok. Rekar katōki elōñ ine ko. Rekar wūtdikdiki elōñ menin eddōk ko. Ekar kōmņman an Julia mōņōņō ilo an lo elōñ armej ro rej jipañ.

Juon raan Julia ekar ioon ruo likao. Julia ekar bwilōñ kōnke Ripelle ro ejeja aer itok nān ijo kōm ej jokwe ie. Rekar ba bwe er rej mijinede. Ekar karuwaineneik er nān kwaļok juon ennaan ilo mūweo iņōn.

Ke ļaddik eo nejnin Julia ekar roñ ke rej itok, ekar ilbōk. “Etke kwar karuwaineneik er?” ekar ba. “Er Ripelle. Ekauwōtata.”



Julia ekar jino jipañ Kōrā nān Aēņōmņman, juon kurup nān kōļapļok bōro kuk im aēņōmņman ilo South Africa.



Ekar juon iaan rijerbal ro an tampeļ jinoin tata ilo Johannesburg South Africa Tampeļ.



Julia ekar juon rūkaki. Ekar katakin ajri ro riit nē rej jerbal ilo jikin kallip eo.